

Saksgang

Utval	Utv.saksnr.	Møtedato
Hovudutval for kultur, idrett og integrering		14.06.2021

Tilskot til prosjekt og kompetanseheving i biblioteka

Forslag til vedtak

Vestland fylkeskommune vedtek å løyve 200 000 kroner fordelt slik:

Søklar	Prosjektnamn	Tildeling
Etne kommune	Bibliotekets bokklubb	2500
Høyanger bibliotek	Økt leselyst hos barn-unge	avslag
Strilabiblioteket, Alver kommune	Vestlandet sitt flytande litteraturhus	25 000
Stad bibliotek	Utstyr til digital formidling	12 500
Samnanger kommune	Born badar i bøker	avslag
Stord kommune	Nye bibliotekprosjekt på Stord	13 000
Kvam kommune	Samskaping i litteraturen	22 000
Voss bibliotek	Innsida ut	20 000
Askøy kommune	Produksjon av «Polarnatt»	25 000
Lærdal kommune	Lokalhistorisk samling - ein del av biblioteket si samling	avslag
Øygardsbiblioteka	Kompetanseheving innan teknisk produksjon ved Øygardsbiblioteka	20 000
Ullensvang bibliotek	Frikjøp av personell til ymse arrangement 2021	15 000
Fedje kommune	Ungdom inn i biblioteket	avslag
Sogndal kommune v/ Sogndal bibliotek	Leselyst hjå dei små	avslag
Årdal kommune	Litteraturfestival i nasjonalparken	25 000
Stryn bibliotek	Med biblioteket inn i framtida - kompetanseutvikling i Stryn	20 000
Bremanger kommune	Eit bittelite Deichman i distriktet. Del 1: tilgjengelighet	avslag

Det vert vist til vedlegget med oversikt over søklarar for grunngjeving av vedtaket.

Samandrag

Tilskotsordninga skal styrke biblioteket som møteplass og arena for formidling, inkludering, læring og debatt. Ordninga kan gi tilskot til kompetanseheving, tradisjonelle og nye bibliotektilbod og utprøving av nyskapande prosjekt og tiltak.

Det er kome inn 17 søknadar. Til saman er det søkt om 447 500 kr. Fleire prosjekt vurderast som gode, men får avslag eller lågare støtte enn det er søkt om. Det er tilrådd løyving på 200 000 kr til i alt 11 prosjekt/tiltak.

Per Morten Ekerhovd
fylkesdirektør

Elin Golten
seksjonssjef

Saksframlegget er godkjent elektronisk og har difor inga handskriven underskrift

Vedlegg

- 1 Oversikt over søknadar og tildeling

Saksutgreiing

Bakgrunn for saka

Det overordna formålet med tilskotsordninga er å styrke biblioteket som møteplass og arena for formidling, inkludering, læring og debatt. Ordninga kan gi tilskot til kompetanseheving, tradisjonelle bibliotektenester og gi høve til å prøve ut nyskapande prosjekt og tiltak.

Det utvida formålet i folkebiblioteklova stadfestar at biblioteka skal drive aktiv formidling, og vere uavhengige møtestader og arena for offentleg samtale og debatt. Med bakgrunn i lovendinga og det digitale samfunnet, er folkebiblioteka i endring mot å bli meir sosiale og digitale institusjonar. Endringane skapar behov for utvikling av bibliotektenestene, og ny dugleik og kompetanse blant dei bibliotektilsette.

Å delta i prosjekt er ein viktig måte å skape endring, utvikling og kompetanseheving. Ei undersøking til bibliotekleiarane i fylket frå 2020, viser at 85% av biblioteka har delteke i prosjekt dei siste 3 åra. Dei aller fleste opplever prosjektdeltaking som nyttig, berre 13% meiner det berre har noko nytte. 92% ønskjer hjelp frå fylkeskommunen til finansiering av prosjekt, men mange ønskjer også hjelp til idéutvikling, å finne samarbeidspartar, søknadsskriving og rådgjeving undervegs i prosjektet. Undersøkinga viser at dei største hindringane for å delta i kompetanseheving er økonomi og travel arbeidskvardag.

Tilskotsordninga gir folkebiblioteka høve til å eksperimentere og prøve ut idear gjennom kreative utviklingsprosjekt, og til å delta i kompetansehevande tiltak. Fylkeskommunen kan bidra med hjelp til å utvikle prosjekta og arrangere møte og kurs om bibliotekspørsmål.

Gjennom tilskotsordninga vil vi bidra til å utvikle biblioteka som relevante kulturinstitusjonar som svarar på behov i lokalsamfunn, så vel som større samfunnsendingar. For å få til dette trengs samarbeid, kompetanseutvikling, nye aktivitetar og tilbod, og at biblioteka lukkast med å trekke til seg nye brukarar. Ordninga famnar difor breitt, og gir biblioteka rom til å sette i gang med prosjekt og tiltak som vil gi stor verdi for biblioteket og innbyggjarane i nærmiljøet.

Hovudutval for kultur, idrett og integrering vedtok 13.1 retningslinjer og innretning for utlysing av tilskot til prosjekt og kompetanseheving i bibliotek for 2021 (PS 5/2021). På grunnlag av dette vart tilskotsordninga lyst ut i februar. Tilskotsordninga har to søknadsfristar i året: 1. mai og 1.oktober.

Generelt:

Vedtakskompetanse: Hovudutval for kultur, idrett og integrering, jf. vedteke reglement for hovudutval for kultur, idrett og integrering, punkt 3.

Budsjett 2021:	Sum kr 250 000
Søknadsfrist 2021:	1.mai og 1.oktober 2021
Vedtak kriteria:	Hovudutval for kultur, idrett og integrering 13.1 PS 5/2021
Kriteria og informasjon om ordninga:	Informasjon på nettsida
Vår 2021	
Tal på søknadar:	17
Tal på søknadar som vart tildelt støtte:	11
Samla søknadssum:	Sum kr 447 500
Samla løyving:	Sum kr 200 000

Fylkesdirektøren sine overordna kommentarar til innstillinga

Kompetansehevande tiltak og deltaking i prosjekt er ein viktig måte å skape endring og utvikling i biblioteka. Søknadane viser at biblioteka i Vestland har gode tankar og idear om korleis dei vil

fornye seg og spisse tilboda sine mot både eksisterande og nye målgrupper. Søknadane har god geografisk spreining, og breidde i både målgruppe og aktivitet. Interessa for kompetanseutvikling, samarbeid, digital formidling, og biblioteket som arrangør i lokalsamfunnet er tendensar i søknadsmaterialet i denne runda.

Vedtakskompetanse

Det blir gjort ei heilskapsvurdering av søknadane. Søknadane vert vurderte og prioriterte ut frå følgjande kriterium:

- tiltak som har eit tydeleg føremål, med plan og budsjett
- tiltak som viser nyskaping og utvikling i biblioteket
- samarbeid med andre
- geografisk spreining i fylket

Vurderingar og verknader

Økonomi: Tiltaket er i samsvar med budsjett.

Klima: Saka omhandlar ikkje tilhøve direkte knytt til klima.

Folkehelse:

Tilgang til gode bibliotektenester medverkar til å redusere sosial ulikskap, og kan påverke livskvaliteten til mange brukargrupper og bidra til inkludering og integrering. I Regional plan for folkehelse 2014-2025 - fleire gode leveår for alle heiter det at kulturopplevingar har positiv innverknad på folkehelsa.

Utviklingsplan for Vestland 2020-2024 (Regional planstrategi):

Tiltaket støttar FN sine berekraftsmål innanfor ein sosial dimensjon. Ordninga støttar opp om utviklingsplanen for Vestland sitt mål om lokalsamfunn som ramme for gode kvardagsliv. Ein av strategiane er at Vestland skal utvikle menneskevenlege og levande lokalsamfunn basert på stadeigne ressursar og kvalitetar. Ordninga er med på å oppfylle målsetjingar i regional plan for Hordaland 2015-2025 og regional plan for kultur Sogn og Fjordane 2019-2027. Tiltaket bidreg til å utvikle gode tenester og eit framtidsetta Vestland.

Konklusjon

Fylkesdirektøren ser tilskotsordninga for prosjekt og kompetanseheving i biblioteka som eit viktig bidrag til fylkeskommunen sitt arbeid med å styrke biblioteka som relevante møteplassar og arenaer for formidling, inkludering, læring og debatt. Det vert løyvd til saman 200 000 kr til 11 kommunar til prosjekt og kompetansehevande tiltak.